

陽氏黃帝之孫也各有聖德在位七十八年終母蜀山氏所生都齒丘濮陽禹強黃帝之胤不居帝位與顓頊俱得道居北方為水神顓頊已來以所與之地為名號帝譽高辛氏黃帝之孫嚳極生高辛也帝譽高辛神靈自言其名都偃師老州河南在位七十年壽一百五歲帝堯陶唐氏黃帝之玄孫也姓伊祁名放勳興於定陶以唐侯為帝滿陸定陶又云定州唐都於平陽郡在晉州在位九十八年一百一十八歲舜有虞氏黃帝八代孫禹為玄孫也按道甲開山圖曰禹得道仙人也古有大禹女嫫十九代孫大禹壽三百六十歲入九嶷山仙飛去後三千六百歲堯理天下洪水既甚人民墊溺大禹念之乃化生於石紐山泉女扶暮汲水得石子如珠愛而吞之有娠十四月生子及長能知泉源代父繇理洪水三年功成堯帝知其功如古大禹知水源乃賜號禹推之是黃帝玄孫無疑也殷湯黃帝七代孫黃帝子少昊生焉極端極生焉辛十四世後即天一為殷王是也黃

帝子孫各得姓於事帝推律定姓者十二具在中老少昊有子姓受顓頊姬姓以黃帝居姬水帝魯子后稷姬姓也堯姓伊祁舜姓姚禹姓姁湯姓子又張鄧軒路黃冠宋鄭白薛虞實伊祁申屠黃公託拔昌意少子封北土以黃帝土德化俗以上為北以君為故乃以訖故為姓黃帝有九子各封一國共在中卷總三十三氏出黃帝之後黃帝相承凡一千二百五十年自黃帝已酉歲至今

靈笈七籤卷之一百



靈笈七籤卷之一百一 廿一
 元始天王紀

元始天王自然之胤結形未泚之霞記體虛生之胎生乎空洞之際時玄景未分天光冥遠浩漫太虛積七千餘劫天明氣清二暉纏絡玄雲紫蓋映其首六氣之電翼其真夜生自明神光燭室散形靈馥之煙棲心霄霞之境練容洞波之瀆獨秉靈符之節抗御玄降之章內氣玄崖潛想幽窮忽焉追遠流盼忘旋瓊輪玉輿碧輦玄龍飛精流雷耀電虛官東遊碧水森林之境上愁青霞九曲之房進登金闕受號玉清紫虛高上元皇太上大道君受金簡玉札使奏名東華方諸青宮於時受命總統德津玄降玉華之女金晨之童各三千人飛龍毒獸巨虬千尋獲天膏爪衛衛玉闕天威煥赫陳于廣庭飛青羽蓋流紫鳳章金真玉光豁落七元神虎上符流金火鈴結編元皇位在玉清掌括上皇高帝之

真

太上道君紀

洞玄本行經云太上道君者於西那天鬱察山浮羅之嶽坐七寶壽木之下清齋空山靜思神冥合慶冥樞蕭朗自然擁觀萬化俯和衆生是時十方大聖至真尊神詣座燒香稽首道前上白道君不審靈寶出法從何劫而來至于今日凡幾度人為蓋如是復有轉輪天尊是何劫生值遇真文得今太上之任致是得度何獨如之巍巍德宗高不可勝願垂賜告本行因緣解說要言開悟後生道言天元輪轉隨劫改運一成一敗一死一生滅而不絕幽而復明靈寶出法隨世度人自元始開光至于赤明元年經九千九百億萬劫度人有如塵沙之衆不可勝量亦明之前於妙莽之中劫劫出化非可思議亦明已後至上皇元年宗範大法得度者衆終天說之亦當不盡今為可粗明真正之綱維標得道者之遐述爾今聊以開示於後來領會於靈文之妙我灌紫晨之流考蓋皇上之宵胤我隨劫

死生世世不絕常與靈寶相值同出經七百億劫中會青帝劫終九氣改運於是託胎於洪氏之胞疑神於瓊胎之府積三千七百年至赤明開運歲在甲子誕於扶刀蓋天西那玉國浮羅之嶽復與靈寶同出度人元始天尊以我因緣之勲錫我太上之號封鬱悅那林昌玉臺天帝君位登高聖治玄都玉京實由我身尊承大法靈寶真文世世不絕廣度天人慈心於萬劫溥濟於衆生功德之大勲名繼於億劫之中致今報為諸天所宗焉

上清高聖太上玉晨大道君紀

洞真大洞真經云上清高聖太上大道君者蓋二晨之精氣九慶之紫煙玉暉煥耀金映流真結化含秀苞凝玄神寄胎母氏育形為人諱器養字上開元母姓三千七百年乃誕於西那天鬱察山浮羅嶽丹玄之阿於是受錄紫皇受書玉虛眺景上清位司高仙為高聖太上玉晨大道君治藥珠日闕館七映紫房玉童玉女各三十萬人侍衛於是振策七圓揚青九霄騰空儼旌駕景馳颯徘徊八煙

盤桓空塗仰簪日華俯拾月珠摘絳林之琅寶餅玄河之紫菓偃蹇靈軒領理帝書萬神入拜五德把符上真侍晨天皇抱團乃仰空言曰子欲為真當存日中君駕龍騰鳳乘天景雲東遊桑林遂入帝門若必昇天當思月中夫人駕十飛龍乘我流鈴西朝六嶺遂詣帝堂稍根運思上朝玉皇奮翬數鬱儀以躡景晃晃散結璘以暨霄雙皇合輦後天而凋夫大有者九天之紫宮小有者清虛三十六天之首洞於是

高聖太上大道君初乘一景之輿駕八素紫雲攝希微蒼帝名錄豐子俱東行詣鬱悅那林昌玉臺天見玉清紫道虛皇上君受九暉大晨隱符

太上大道君次乘二景之輿駕七素絳雲攝中微亦帝名定無彖俱南行詣高桃厲冲龍羅天見玉清翼日虛皇太上道君受觀靈元晨隱符

太上大道君次乘三景之輿駕六素紅雲攝太微白帝名蒸淵石俱西行詣碧落空歌餘

黎天見玉清昌陽始虛皇高元君受總晨九極隱符

太上大道君次乘四景之輿駕五素青雲攝玄微黑帝名齊元旋俱北行詣却摩坦婁于翳天見玉清七靜導生高上虛皇君受啓曜旋根隱符

太上大道君次乘五景之輿駕四素黃雲攝始微上帝名接空于俱東北行詣扶刀蓋華浮羅天見玉清大明虛皇洞清君受玄景晨平隱符

太上大道君次乘六景之輿駕三素綠雲攝靈微中帝名秉巨文俱東南行詣貝渭耶菓初默天見玉清始元虛皇太霄君受合暉晨命隱符

太上大道君次乘七景之輿駕二素紫雲攝宣微下帝君名宏膚于俱西南行詣冲容育鬱離沙天見玉清七觀無生虛皇金靈君受齊暉晨玄隱符

太上大道君次乘八景之輿駕一素靈雲攝洞微真帝名泗澄據俱西北行詣單綠祭寶

輪法天見玉清八觀高元虛皇濟景君受高上龍煙隱符

太上大道君又乘洞景玉輿駕太霞紫煙玄景之暉攝九微內帝君名申名闕及上皇九玄九天諸真仙玉等俱仰登彌梵羅臺齊絕寥丘飛元雲根之都玉清上天見玉清紫暉太上玉皇明上大道君受高清水虛無極上道君隱符

三天君列紀

上清真人總仙大司馬長生法師主三天君姓栢成諱欽生字芝高乃中皇時人歲在東維之際誕于北水中山栢林之下夫名為欽生者以母感日華而懷孕年九歲求長生之道至十四與西歸公子巨靈伯尹俱師事黃谷先生黃谷先生者能為不死修靜無為不營他術含精內觀凝神空漠思真安炁以致不死後五百年遇金仙石公竊氏先生是夜童子三人受胎精中記化胞內經養神上法解結之要又登太帝滄浪山洞臺中雙玉穴酣紫明芝液遇上清萬石先生授以乘飛駕

虛八氣景龍之躡反胎守白越度之法又廣成子授以丹青玉爐鍊雲根柔金剛之經又授以飛煙發霜沈雪淨日朱之法又遇始元童子丰車小童受虛皇帝錄仙忌真戒化一成萬解形之法後遇玉清文始東王金暉仙公號曰玉皇二道君告以胎閉靜息內保百神開洞雲房堅守三真之事後復詣二玉皇君問雲房之道三真之訣二玉皇君曰三真者此一身之帝君百神之始真也若使輔弼審正三皇內寧太一保胎五老扶精一居丹田司命護生一居絳宮紫氣灌形一居洞房三素合明於是變化離合與真同靈明堂雲宮紫戶玉門黃關金室丹城朱總皆帝一之內宅三真之寶室也於是雲房一景混合神人上通崑崙下臨清淵雲蓋嗟峨林竹葱芊七靈迴轉七門幽深金扉玉匱符籍五篇公子內伏外牽白元混一成形呼陽召陰上帝司命各保所生微哉難言非仙不傳又問呼陽召陰出入無方之法氣出神變之道二玉皇曰呼陽者三氣之所出入也召陰者六丁

之所往來也若得三氣之所生能知六丁之所因者則陽氣化為龍車陰氣變為玉女則騰轉無方輪舞空玄之上也夫氣之所在神隨所生焉神在則氣成神去則氣零氣者即二十四神之正氣是為二十四氣也氣能成神神亦成氣散之為雲霧合而為形影出之為仙化入之為真一上結三元下結萬物靜為兆身動為兆神是以常混合二十四神變化三五之真人混成正一合為帝君即兆本神也夫人受生於天魂結成於元靈天魂生之根元靈生之胎流會太一達觀三道神積玉官液溢玄府津流地戶澤慈洞房日月煥於膏暉五神混於元父元父主氣化散帝極玄母主精變會幽元是以司命奉符固形扶神公子內守桃康保魂左攜無英右引白元雲行雨施萬關流布也後二玉皇授欽生大洞真經三十九章迴風混合帝一之道斷環割青盟華而傳得為上清真入位曰總仙大司馬長生法師主三天君理太玄都關風玉臺總司學道之仙籍主括三天之人神萬仙

受事於玉臺五帝北朝於靈野夫

青靈始老君紀

洞玄本行經云東方安寶華林青靈始老帝君者往在白氣御運於金劫之中暫生鬱悅金映雲臺那林之天西婁無量玉國浩明玄嶽厥名元慶於此天中大建功德初無懈心勲名仰徹朱陵火宮書其姓名記於赤蘭仙道垂成而值國多絲女元慶遂以寄世散想靈魔舉其濁目朱宮報其仙名一退遂經三劫中值火劫改運元慶又受氣寄胎於洪氏之胞上天以其先身好色故轉為女子朱靈元年歲在丙午誕於丹臺龍羅衛天洞明玉國丹霍之阿改姓洪諱那臺年十四敬好道法心願神仙常市香膏然燈照冥大作功德諸天所稱名標上清南極上靈紫虛元君託作傭人下世教化見那臺貞潔好尚至法廻駕於丹霍之阿投那臺靈寶赤書南方真文一篇於是那臺勵志殊勤自謂一生作於女子處於幽房無由得道因齋持戒思念願得轉身為男丹心返徹遂致感通上真下降元

始天專時於琅碧之溪扶瑤之丘坐長林枯桑之下衆真侍坐是日那臺見五色紫光曲照齋室於是心悟疑是不常仍出登壇四望忽見東方桑林之下華光赫奕非可勝名去那臺所住數百里中隔凝暘谷滄海之口心懷踊躍無由得往因叉手遙禮稱名那臺先緣不厚致作女身發心願樂志期神仙高道法妙不可得攀日夕思念冀得滅度轉形為男歷年無感常恐生死不得遂通彌齡之運有於今日天河隔礙無由披陳今當投身碧海波命于天冀我形魂早得輪轉更建功德萬劫之中冀見道真言訖使從牆上投身歎空命赴滄海極淵之中紛然無落即為水帝神王以五色飛龍捧接女身俄頃之間已於懸中得化形為男子乘龍策虛飛至道前於是元始即命仙都錫加帝號於火劫受命輔於靈寶青帝玉篇七百年中火劫數極青氣運行隨元滅度以開光元年於彌梵羅臺霄絕寥丘飛元雲根之都滄霞九雲之墟元始又錫安寶華林青靈始老帝君號

丹靈真老君紀

洞玄本行經云南方梵寶昌陽丹靈真老君者本姓鄭字仁安大炎之亂生於禪黎世界赤明天中生有三氣之雲纏其身朱鳥鼓翮覆其形三日能言便知宿命年及十二面有金容玉顏便棄世離俗遠遊山林於寒靈洞宮遇玄和先生授仁安靈寶赤書五氣玄天黑帝真文一篇智慧上品十戒而去仁安於是奉戒而長齋大作功德珍寶布施以拯諸乏割口飴鳥功名徹天因於西那國遇天洪矣大水滔天萬姓流漂仁安於洪波之上汎舟誦戒書黑帝真文以投水中水為閣道百頃之地鳥獸羣鹿虎豹獅子皆往依親悉得無他是時國王百口登樓而漂救數不能得度仁安見王垂沒乃停舟而往以所佩真文投與國王王敬而奉之水劫即退會然得過王既得免真文於是即飛去入雲中莫知所在仁安失去真文迷仙一階運應城度託命告終死於北戎之阿曩靈屍三十餘年形體不灰光色鮮明無異生時在於北戎長林

之下時國王遊獵放火燒山四面火而去其靈屍之間百步之內火不得然羣鹿虎豹莫不依親王怪而往見靈屍之上有三色之光雲霧鬱冥鳥獸而繞王乃伐薪圍屍放火焚燒于時屍放火中鬱起成人坐青煙之上指拈虛無五色煥爛左右侍者仙童玉女三百餘人肅然而至凡是禽獸依親之者並在火中皆得過度仁安以亦明二年歲在丙午於邯摩坦妻于翳天中洞家之嶽改姓洞浮諱曰極炎受錫南單梵寶昌陽丹靈真老君號丹靈老君也

中央黃老君紀

洞真九真中經云中央黃老君者太上太微天帝君之弟子也以說皇二年始生焉年七歲乃知長生之要天仙之法仍眇論上思欽納真玄蕭條靈想棲心神源解脫於文蔚之羅披素於空任之肆於是太上授九真之訣八道秘言施修道成受書為太極真人

金門皓靈皇老君紀

洞玄本行經云西方七寶金門皓靈皇老君

者本乃靈鳳之子也靈鳳以呵羅天中降生於衛羅天堂世界衛羅國王取而蓄之王有長女字曰配琰意甚憐愛常與共戲於是靈鳳常以兩翼扇女面後十二年女忽有胎經涉三月王意怪之因斬鳳頭埋著長林丘中女後生女墮地能言曰我是鳳子位應天妃王即名曰皇妃生得三日有群鳳來賀玄甫玉霜洪泉曲水八鍊芝瑛年八歲執心肅操超拔俗倫常朝則謁日暮則揖月於重宮之內王設廚膳物不味口天作大雪一年不解雪深十丈鳥獸餓死王女思憶靈鳳往之遊好駕而臨之長林丘中歌曰
杳杳靈鳳綿綿長歸悠悠我思永與願違萬劫無期何時來飛於是王所殺鳳鬱然而生抱女俱飛徑入雲中王女今於景霄之上受書為南極上元君常乘九色之鳳此女前生萬劫已奉靈寶致靈鳳降形得封南極元君之號皇妃功德遐徹天真感降以上元之年歲在庚申七月七日中時元始天尊會於衛羅玉國鳳麟之丘坐鸞華之下眾真侍坐是

時皇妃所住室內忽有日象如鏡之圓空懸眼前皇妃映見天真大神昔在鏡中長林之下一室光明於是自登通陽之臺遙望西方見鳳生丘上紫雲鬱勃神光煒煥非可得名去皇妃所住五百步許逼以女根處在宮內

無由得往須臾忽有神鳳來翔集於臺上皇妃白鳳言曰西方有道心願無緣不審神鳳可得暫駕見致與不於是鳳即敷翻使坐翻上舉之徑至道前元始天尊指以金臺玉母即汝師也便可施禮皇妃叩頭上答惟願衆尊持垂哀矜則枯骸更生言畢金母封以西靈玉妃之號即命元始靈童披霜羅之纓出靈寶赤書白帝真文一篇以授皇妃受號三百年中仍值青劫改運皇妃方復寄胎於李氏之胞三年於西那玉國金壘幽谷李樹之下而生化身爲男子改姓上金諱日昌至開光元年歲在上甲元始天尊錫西方七寶金門暗靈皇老君號

五靈玄老君結

洞玄本行經云北方洞陰朔單鬱絕五靈玄

老君者本姓皓字敷明蓋玄皇之胤太清之胃生於元福棄賢世界始青天中年十二性好幽寂心託山水遠於家中或去十日時復一還時天下災荒人民餓殍一國殆盡敷明於地境山下遇一頂巨勝身自採取餉係窮乏日得數過救度垂死數千餘口隨取隨生三年不訖他人往覓莫知其處是時辛苦形體憔悴不暇管身遂致疲頓死於山下九天書其功德金格記其玉名度其魂神於朱陵之宮後帝遣金翅大鳥常敷兩翼以覆其尸

七百年中尸形不灰至水劫改運水使尸漂於無崖之淵水過而後敷明尸泊貝滑邪源初默天鬱單之國北壘玄丘四十年中又經山火盛行焚燒尸形於火中受鍊而起化成真人五色之雲覆蓋其上至開明元年於北龍玄丘改姓節諱靈會元始天王錫靈會洞陰朔單鬱絕五靈玄老君號

雲笈七籤卷之一百一

雲笈七籤卷之一百二

廿二

紀

混元皇帝聖紀

太上老君者混元皇帝也乃生於無始起於無因爲萬道之先元氣之祖也蓋無元無象無音無聲無宗無緒幽冥冥其中有精其精甚真彌綸無外故稱大道焉夫道者自然之極尊也於幽無之中而生空洞焉空洞者真一也真一者不有不無也從此一氣化生後九十九萬億九十九萬歲乃化生上三氣三氣各相去九十九萬億九十九萬歲三合成德共生無上也自無上生後九十九萬億九十九萬歲乃化生中三氣三氣各相去九十九萬億九十九萬歲三合成德共生玄光也自玄光生後九十九萬億九十九萬歲乃化生下三氣三氣各相去九十九萬億九十九萬歲三合成德共生太上也自太上生後復八十一萬億八十一萬歲乃生一氣一氣生後復八十一萬億八十一萬歲乃生前三

靈無言是玄始靈童披霜羅之纓出